

প্রথম প্রকাশ
আশ্বিন ১৩৬৪,

প্রকাশক
দীপেন রায়
সীমান্ত
৬সি, স্কট লেন
কলিকাতা-৭০০০০৯

মুদ্রক
হরিপদ পাত্র
সত্যনারায়ণ প্রেস
১, রমাপ্রসাদ রায় লেন
কলিকাতা-৭০০০০৬

প্রচ্ছদ
বাদল ভট্টাচার্য

সর্বসত্ত্ব
শ্রীমতী মঞ্জু হাজরা
১৭/১২/২ শশীভূষণ সরকার লেন
সালকিয়া, হাওড়া ।

নজরুল
স্বকান্ত
অরণ্যে

সূচীপত্র

ফোটাতে গোলাপ (কমরেড, এক একটি মৃহুত ছুঁরির ফলার মতো)	৯
এই পথে (কে আমার মেঘের ভেলার ভাসিয়ে নিয়ে যায়)	১০
রবীন্দ্রনাথকে কিছ্ বলা (প্রতি মৃহুত...কে)	১১
কেউ কি তা জানে (তীরের মতো আকাশ বিঁধে ছেয়ে গেছে)	১২
অভীক মৃহুত (অভীক মৃহুত কোনো, কেউ যদি পার হৃদ মন)	১৩
এমন সুন্দর সকাল (এমন সুন্দর সকাল যদি রোজই আসে)	১৩
আঁজুরলে পিঁজুরলে (আমাকে পোড়াও, পোড়াও আঁজুরলে পিঁজুরলে)	১৫
মাটিতে পা রেখে সূর্যের হাত ধরে (পাতাগুলো খসে পড়ে এক একটা দিনের মতন টুপ্-টাপ্)	১৬
নিঃশব্দ হাওয়া (নীরব নিঃশব্দে কখন এসেছে হাওয়া মনের ভেতরে)	১৭
স্বপ্নময় হে স্বদেশ (কি বিশাল মহিমা তোমার)	১৮
বিবেক (দুয়ারে দাঁড়িয়ে কে, যে ধ্যানস্থ চেতনা)	১৯
কোলকাতার সকাল (প্রতাহ আলোয় অন্ধকারে জলজ্যান্ত কোলকাতা)	২০
বৃকের অরণ্যে (এমন অনেক ইচ্ছা দেখা হয় রোজ)	২১
সমর্পিত প্রার্থনায় (নিজের মৃথের প্রতিবিন্দু যদি জলের দর্পণে)	২২
দুধের শিশুর মৃথ (যে স্বপ্নের কাঠিকের শিশিরের ধানের গোছের মৃথ)	২৩
এই হাসপাতালে (এই একটু আগেই)	২৪
সমবায় (সবার বলার আছে আমার নেই)	২৫
স্মৃতি : দাবদাহ (কেমনে লুকাবে মৃথ, কোথায় লুকাবে)	২৬
স্বকালের পঞ্চাশতম বার্ষিকী উপলক্ষে/১৯৭৬ (পঞ্চাশ বছর ধরে রয়েছো দাঁড়িয়ে)	২৭
চোখের অরণ্যে রোদ (মৃথ চোখ এমন সুদূরে প্রসারিত হবে কোনদিন)	২৮
অনন্য হৃদয় (সবুজ ঘাসের বৃক বৃক রেখে আমি)	২৯
বোধিবৃক্ষ (যে মাটি অহল্যা ছিলো কতকাল দ্যাখো)	৩০
কবি দূর্গাদাস সরকারের অকাল প্রয়াণে (তোমাদের মতো কিছ্ মানুষ আছে বলেই)	৩১
মাটির রঙ (মেটে রঙ দিয়ে কে লেপেছে আকাশ, দূর থেকে মনে হয়)	৩২

অন্য কথা এবং বলা (জ্ঞানিয়ে নালিশ হারিয়ে গেছে)	৩৩
একটি শিশুর কাছে (কার সে গানের কলি বন্ধুকে চেপে বসে)	৩৪
শরণচন্দ্র (ব্যথিত যে বেদনায় তুমি সে হৃদয়)	৩৫
জীবন কাকে বলে (জীবন যে কাকে বলে, শৃঙ্খল বেঁচে থাকা)	৩৬
কবি ভারতচন্দ্র (মাটিতে মিলিয়ে হাত যে ফসল ফলে)	৩৭
মে-দিনের কবিতা/১৯৭৭ (মে-দিনে)	৩৮
সাতাস্তরের মৌসুমী হাওয়া (কতোকাল—)	৩৯
নজরুলকে নিবেদিত (তাকাতো পারি না আমি তোমার দৃঢ়চেত্রে :	
বধ্যভূমি)	৪০
এই সব ছবি (এই সব ছবি, ছবি নয়)	৪১
খেলা : খেলতে যে পারে (ধরতে যেও না হে সে খেলছে আপন	
খুশীতে)	৪২
ওরা কি বন্ধবে (ওরা কি বন্ধবে আমাদের তৃষ্ণা)	৪৩
অনাঙ্গীরের আঙ্গীরতা (বলতে পারিনি তৎক্ষণাৎ)	৪৪
জলছবি : শিশু (বৃষ্টিতে সূর্যের দেহতে পাই না)	৪৫
আচার্য সুনীতিকুমার (শিমুলে শালকে যে বিচিত্ররূপ দেশে)	৪৬
এখানে একক আমি (লোভের মোহানা থেকে)	৪৭
কিছু মৃদু আছে (কিছু মৃদু আছে)	৪৮
হাতে হাত দাও (হাতে হাত দাও, সব ভয় কেটে যাবে)	৫০
পাথর প্রতিমা (আজন্ম নত আমি, আমি আমাকে ভুলে	
বৃদ্ধকোলতার মতো)	৫১
আলোকান্ধসারী (বৃষ্টির পাতার 'পরে চোখ রেখে অনেক সময়	
ভুলে যাই)	৫২
মলমাস (কি নিবিড় অন্তরবে উথলে উঠছে চরাচর)	৫৩
বক্সা দস্যুর খুললো না (যে কথা বলার ছিলো)	৫৪
সাইরেন (মাত্র কিছুক্ষণ আগে আমার ধ্বংসিডটুকু নিয়ে)	৫৫
লোকলয় (আদম তৃষ্ণার রোদ)	৫৬

ফোটাতে গোলাপ

(শ্রীযুত দীপেন রায় বন্ধুবরেন্দ্র)

কমরেড, এক একটি মনুহৃত ছুরির ফলার মতো
কুঁচি কুঁচি করে আমার অস্তিত্ব
পারি না কিছদুতেই ধরে রাখতে দঢ়হাতে সময়ের বঙ্গাকে
সন্তরশ্মির মতো,
যেন অনিন্দ্য গোলাপের কাঁটাগুলো বেধে হৃৎপিণ্ড
ইচ্ছের তীরের মতো
অথচ পারি না কেন ফোটাতে গোলাপ
সবই নাকি সময়ের স্বায়ত্তবশাসন !

অথচ মনুহৃত গুলো
আশৈশব হেঁটেছিলো ভালোবেসে মাটি
চোখে জ্বলেছিলো আলো দিগন্ত বিস্তৃত
বজ্র-মুণ্ডি হয়েছিলো প্রসারিত অবাধ আকাশে ।
মাটিতে পা ঠুকে শব্দের মিছিলে অগম সমুদ্রের
ঢেউ উঠেছিলো
ফোটাতে গোলাপ নৈসর্গিক বেদনায় ।

কমরেড, আমার ইচ্ছের যন্ত্রণা
সমুদ্রের তাপে ধরে রাখা
সময়ক্ষণকে,
পর্বতের স্থিতধী কিংবা পাখির নীড়ের 'তা'
দিয়ে ফোটাতে সমাজ ।
কোটি কোটি মানুষের হা-ভাতে স্বদেশ
শুদ্ধ তারই জন্যে আশৈশব পথ খুঁজি মাটির উত্তাপে,
কি নিদারুণ মমতা ।
ভালোবাসা ফুল ফোটা
অথচ যন্ত্রণা কি যে ফোটাতে গোলাপ ।

এই পথে

(অগ্রজকবি শ্রীযুত তরুণ সাত্তাল শ্রদ্ধাঙ্গদেশু)

কে আমার মেঘের ভেলায় ভাসিয়ে নিয়ে যায়
সূর্যের বকের কাছে,

অথচ সূর্যের তাপ

আদৌ আমার লাগে না,

শুধু

একটি রূপালী রেখা দিগন্ত বিস্তৃত

হাত দুটি ধরে,

কে আমার, কোথায় ভাষায় !

বকের মতন শাদা ডানাগুলি

একটু পরেই,

আলকাতরার মতো অন্ধকারে

সমস্ত দরজা হাট ক'রে

হাস্নহানার গন্ধ ছড়ায়,

সন্তপদী রামধনু

আলোর বল্লম দূ-চোখে বিধে

আমাকে জাগায়

একটু আগে এই পথে

প্রচণ্ড আগুন ব'য়ে গেছে,

এই পথে ভয়ংকর শ্বাপদের দল

বকে হেঁটে পার হয়—

তবু মানুষের স্রোত

এই পথে, সুদূর বিস্তৃত মেঘের ভেলায় ।

রবীন্দ্রনাথকে কিছু বলা

প্রতিমদহর্ত.....কে—

আমাকে কুরছে, ঘণ ধরে গেছে

আমার কাঠের দেহে, উই পোকারা বেঁধেছে বাসা

আমি মাটি হ'য়ে যাবো বৃক্ষের শরীরে ।

কেউ তো হৃদয় ছুঁয়ে

আমার রক্তের তোড় জাগাতে পারে নি

কৃষ্ণচূড়া-হৃৎপিণ্ড বৃক্ষের গহ্বরে লাশ হ'য়ে যায়—

আমার দূ-চোখে জ্বলে—ঘুটে কুড়োনি মায়ের মৃথের আদল

বন্যার দাপটে থৈ থৈ ভরাডুবি গ্রাম

অথচ বৃষ্টির চিহ্ন নেই কণামাত্র

কোথায় ফেরাবো মৃথ : বলো তো রবীন্দ্রনাথ ।

আমি সমর্পিত, নিঃশ্ব এবং নিবেদিত

তোমার সন্তায়—আমার যাবতীয় জাগতিক

স্বথ দঃখ অভাব তোমার গণগণে আঁচে

প্রবাল কিংবা পলাশ হ'য়ে যায় সমুদ্র গভীরে

আমি বেঁচে উঠি, জেগে উঠি না-মরে, না-ঘুন্মিয়ে

তুমি আছো চারিদিকে যেন নৈসর্গিক অনিন্দ্য গোলাপ ।

কেউ কি তা জানে

তীরের মতো আকাশ বিধে ছেয়ে গেছে

—সে কি শকুনির ঝাঁক

না কি বোমারু বিমান ?

ভাসতে ভাসতে ভেসেই চলেছে তালকানা

শান্ত হিমালয় বন্ধুকে

বন্ধু বরফের ঢেউ

সারা এভারেস্ট জুড়ে ফুলের বাগান নীচে

কালো কালো দাগে ভরা—সাজানো সংসার কত !

শিশুরা পাথর যেন

এক একজন হিমালয় ।

মধুলোভী মৌমাছিরা কখন ফুড়ুং

কি জানি কি হ'য়ে গেল

কার ভাগে গেল মধু

অদৃষ্টে কার সে হাসি কাতানের মতো ঝোপ

কার গর্দানে কখন যে আসে—কেউ কি তা জানে !

অভীক মুহূর্তে

অভীক মুহূর্তে কোনো, কেউ যদি পায় হলুদ মন
জ্যোৎস্নার শরীরে ইচ্ছেগুলো লীন হয়, ঘেন দিনরাত
ঘরে ঘরে পেঁছে যাওয়া সূর্যের তরঙ্গে, মনে হয়
ডানা মেলে পরীরা ; না, পেঁজা পেঁজা মেঘ অকস্মাৎ ।

অকারণ ডাকে দুর্মর, দুর্নিবার—বৃষ্টি মেঘের আড়াল
থেকে বৃষ্টি, নয়তো মাটির ভেতর থেকে স্নাতবীজ
কিংবা বৃষ্টির ভেতরে উগরে ওঠা পারদ উস্তাপ
স্মৃতি বিষণ্ণতা কিংবা প্রেম পরিগ্রহ সে এক বোধ ।

কোনো নিবিড় মুহূর্তে হই যদি শিশু কিংবা মেঘ
বৃষ্টিতে ভাসিয়ে দূ'পা দ'লে মাশ্বাতার মূলে টান
বাঁ হাত বৃষ্টিতে রেখে ডান হাত তুলে দেওয়া শূন্য
তা-তা থৈ থৈ দিনে অন্ধকার ছ'লে আলো চেনা ।

এমন সুন্দর সকাল

এমন সুন্দর সকাল যদি রোজই আসে
আমি ভালো থাকি
কুয়াশায় ভীড় ক'রে আসে
যে সমস্ত অবিশ্বাস
ধবধবে সাদা হ'য়ে যায় রৌদ্রে ডোবালে,
বুঝি কারো ছোঁয়া
ছোঁয়া পেলে সব সাদা, স্বচ্ছ পরিষ্কার
মেঘহীন আকাশে যেমন
নক্ষত্রেরা খেলা করে শিশুর খুশীতে
নীচে ব'সে একা আমি
সবুজের গালিচায় রাতকে দু'ফোঁড় ক'রে
কি যেন খুঁজি, কীই বা !
আমার তেঁটা মরুভূমি :
অনির্বাণ, অনিকেত
অথচ আকাশ ভরা তারা গ্রহ
নক্ষত্র আশ্চর্য নয় ;
আশ্চর্য কখনো নয় এইসব সহোদর
যাঁরা পথ হাঁটে সারারাত ।

আঁজলে পিঁজলে

আমাকে পোড়াও, পোড়াও আগুনে আঁজলে পিঁজলে
আমার শরীরি কাম ক্রোধ লোভ পুড়ুক পুড়ুক
দহনদাহণে—, ধরো হে আলোয় আমার, যে আলো
অমানিশা রাতে অন্ধকারে জ্বলে আকাশ কিনারে,
কে সে বর্ণজয়ী আলো : নক্ষত্রমণ্ডলী স্ফলান যেথা,
জ্ব'লে জ্ব'লে পুড়ে পুড়ে খুঁজে পেতে চাই—চাই তারে ।

আমার বোধ ও সস্তার আগুনে কিসের অভাব
ধ'রেও ধরে না প্রাণের সলতে—র'সে গেছে ডগা,
হাওয়া যদি মেলে গগণগণে আঁচ মণির মতন
খুঁজে পেতে চাই : আঁজলে পিঁজলে দীপালী রজনী
লাফালাফি করে নিয়নের রেসে—মানুষের মতো
নক্ষত্রমণ্ডলী নীরব দর্শক শক্তির গৌরবে ।

মাটিতে পা রেখে সূর্যের হাত ধ'রে
(অগ্রজকবি শ্রীযুত রাম বসু প্রজ্ঞাপদেষু)

পাতাগুলো খসে পড়ে এক একটা দিনের মতন টুপ-টাপ
রোদেরো এলিয়ে দেয় সারা গা অপরাজিতায়
অভিমানী যে অরণ্য এতদিন অভয়দাতার
ছন্দবেশে নিমগ্ন তটস্থ সেও

হাপরের নিঃশ্বাস নিয়ে হরবোলা দিনে উদাসীন
দিনদপদুরে মাথা খেয়ে, পোড়াবাতাস হু হু করে, দিন ভোর
যে আকাশ ভুরু দিয়ে বেঁধে রাখে চোখের জলের
বাঁধ, পৃথিবী ঘুরছে তবু—
টিক্ টিক্ ঘড়ি চলে বাজাতে বাজাতে দিনরাত্রি
চায়ের টেবিলে কথার কুন্ডলী সমাজ সাহিত্য নিয়ে,
চিত্রকল্প অঁকা মানুষের, স্থাবর অস্থাবর সম্পত্তির মালিকানা
দেব-দ্বিজের মাংসাতার, যেমন রেকর্ড
ঘুরছে, পৃথিবী এবং দুনিয়ার হালচাল, যেন
ছবি শস্যের দানারা সর্বত্র ছড়ানো ধর্ম, মতে
নীতিতে, কোথায় কেমন ফসল ফলে বোধের কহ'ণে—
মাটি যদি মেলে, কজনই তা চেনে ?

মাটিতে পা রেখে, সূর্যের হাত ধ'রে যেমন পৃথিবী
ঘোরে—আমি উদাসীন নীরোর মতন বাজাব বেহালা
বিংশ শতকের মন্থোন্মুখি দাঁড়িয়ে জীবিত সে হৃদয়ে
সাড়া দেয় লিঙ্কন, লেনিন, রবীন্দ্র, নেহরুদা এবং নজরুল ।

নিঃশব্দ হাওয়া

নীরব নিঃশব্দে কখন এসেছে হাওয়া মনের ভেতরে
ঠিক যেন হেমন্তের হিম মিশে গেছে সারাটা উঠোন
একি পুণ্য, নাকি পাপ পশ্ম হোয়ে ফোটে বোধিবৃক্ষে
বোঝাতে পারি না : কী যে ভালো লাগে মৌসুন্নি হাওয়া
দিগন্তের নীচে সবুজের চটে করতালি ওঠে ।

কিছু নয়, নয় শুদ্ধ কথা, কিছুক্ষণ নিস্তব্ধতা
স্বাধীনতা আপন অস্তিত্বে অগ্নির বিস্ময়
নাকি সমুদ্রের নিতল গহবরে আগুন জ্বলছে
যে আগুন জ্বলোছিলো একদা ম্বাপরে
কী সংশয়, হতভম্ব পাথ' তোলেনি গাণ্ডীব টংকার

আমার চেতনায় পাড়াগারি স্বপ্ন সে ভারতবর্ষ
ভোরের পূজোর ঘরে কখন এসেছে নিঃশব্দ হাওয়া ।

স্বপ্নময় হে স্বদেশ

কি বিশাল মহিমা তোমার
স্বপ্নময় হে স্বদেশ সমুদ্রত হিমালয় তোমার ললাটে
সিঁদুর—; মহত্তম শিষ্টপী যেন
মানুষের বেদনায় । কি সৌন্দর্য সে যে আঁকা হয়
রোজ রোজ নিপুণ তুলিতে—কার, কেউ বোঝে ।
ফুলগুদলি খুন হ'লে কিসের সঙ্কেত রক্তের অঙ্করে
নিজেকে হনন কোন দেশপ্রেম—
বৃকের গভীরে যদি চোখ মেলে দাও আসমুদ্র হিমাচল
অথচ যে কথা ছিলো—
ছিলো কথা দাঁড়াবার, শিরে যার স্ন-উন্নত হিমালয়
যদি দাঁড়াতে স্বদেশ—
ঝড়-জল বৃষ্টি-শিলা বৃকের পাজিরে স্তরে স্তরে যে হৃদয়
পরিগ্রুত যন্ত্রণায়
এতদিনে ভোগবতী হতো শুদ্ধ মানুষের, মানুষের তরে ।
গভীর গভীরতম জীবন প্রেরণা সমাগত —
পাহাড় সমুদ্রেও ফোটে ক্ষরণের ধ্বংসাবশেষ
হাজার বছর ধরে অক্টোপাশে বন্দী কত দেশ
অন্ধকার বিভীষিকা থেকে উত্তরণ যে আলোকে
সেই আলো আলোর বস্তু বিধে বিধে
অমাবস্যা খুন ক'রে আনো মহালয়া বড়ো প্রার্থনায় ।

বিবেক

(শ্রীযুত সনৎ বন্দ্যোপাধ্যায় অগ্রজপ্রতিমেষু)

দুয়ারে দাঁড়িয়ে কে, যে ধ্যানস্থ চেতনা
শাণিত হৃদয় চিরে
সবিনীত প্রার্থনার সার্বিক এষণা
বিবেকের নত শিরে ।

কোথা কোন গাছে ফুল নতুন বৃক্ষের
আনত সে ফলভারে
শাখা প্রশাখায় প্রস্ফুটিত নক্ষত্রের
প্রাণদান অঙ্গীকারে ।
কেন সে হৃদয় মেলে, যার ছায়া পড়ে
দুয়ারে দাঁড়িয়ে সে কে,
সেখানে কি স্বপ্নিত বৃক্ষের চঞ্চরে—
আসে না সে-কথা মনে ।

না, চাহিনা বিকোতে নিজেকে
নম্য খৃষ্ট নামে, মৃণ্ম গোলাপী ডলারে
পৃথিবীর কোটি শিশু ক্রুশাবন্ধ সৌজন্য শিকারে
দুয়ারে দাঁড়িয়ে কে, সে আমার বিবেক ।

কোলকাতার সকাল

প্রত্যহ আলোর অন্ধকারে জলজ্যান্ত কোলকাতা
নতজানু ঈশ্বর সমীপে । কারণ প্রত্যহ রাত্রির গভীরে
পেঁচা ডেকে ওঠে—বাদুড়েরা ডানা ঝাপটায়,
গন্মো গন্মো জ্বর ওঠে যক্ষ্মারোগীর মতন দেহের পারদে ।

যে উত্তাপে তাপ বাড়ে—দেহলীর প্রতি লোমকূপে
দেহের সীমানা ছেড়ে কাজ করে গোবরে পোকাকার মতো
সারারাত ধ'রে—রাতকাজ করে কাজের পোকারা
হৃদয় হ'য়ে ফেরে—যদিও ফেরার ঘণ্টা বেজে গেছে ।

অথচ তারুণ্যে পিচ্ছিল দৃষ্টিতে বিশ্বামিত্র ইতস্ততঃ
টোপ ফেলে, দৃষ্টি হানে—এবং জজ্বরিতা মেনকার দল
স্বাদিষ্ট ভোগের জন্য মত্তপ্ত—স্বচ্ছায় স্বেদিত
প্রকৃতি প্রত্যয়ে নাকি আকাশের জানালা দরোজা খুলে যায় !

এবং প্রতিরাতে রাজপথে কল্লোলিনী কোলকাতা
আলো ও আঁধারে ঈশ্বরের পদচিহ্ন বন্ধে সঁটে
অনির্বাক সূর্যের মতন জন্ম দেয় প্রত্যহ সকাল—

অথচ সকাল এলে মাঝুঁমরা চেতনায় সাড়া মেলে ।

বুকের অরণ্য

এমন অনেক ইচ্ছে দেখা হয় রোজ
দেবদারু ছায়ার নীচে, কাঁপা কাঁপা
রোদে জ্বলে ঝিকিমিকি পাতার ঝালর
মনে হয়—এখনি ঝরবে পাতা ।
অথচ বাতাসে নেই শব্দ, ধরনি
ঝরার কেন যে নিঃশ্বাসে দীর্ঘশ্বাস
সে কি হায়েনার নিঃফল গর্জন
বুকের অরণ্য ।

কখন যে ঝরবে পাতা, চিহ্নরেখা স্পষ্ট
বক্ষজুড়ে, যদি হাওয়া বয়—
শিশু-বুড়ো-ছেলে-মেয়ে ঢেউয়ের মতো
উপচে পড়ে উত্তালে : ছায়াতলে ইতিউতি রোদ
চিকণ সোনার মতো উঁকি মারে—
দীর্ঘছায়া মেলে দেয় মন ।

সমর্পিত প্রার্থনায়

নিজের মন্থের প্রতিবিশ্ব যদি জলের দর্পণে
প্রত্যয়ে ফলিত হয়, তবে কিছুক্ষণ প্রতীক্ষায় শব্দহীন
একা থাকা নিষ্পলক মাছের মতন
অতলান্ত সবুজ গভীরে ।

এবং গভীরে, একান্ত গোপন, গভীরে...
যতই ডুবেছি স্তরগে
মাছের চোখের মতো অনুদ্ধ
চিনেছি নিজেকে
আমার আসল শত্রু
যে, সে আমি নিজে ।

প্রাগৈতিহাসিক বটবক্ষসম
কৌলিণ্য ছোঁয়াচে আত্মদানে পরিত্যক্ত
শান্তি নামে—
অথাপি শোষণ
করেছি নিজেকে,
আগাছার মতো নিজেই গিলেছি
আত্মজকে
সমর্পিত প্রার্থনায় ।

দুধের শিশুর মুখ

যে স্বপ্নের কাতি'কের শিশিরের ধানের গোছের মূখে
মুদ্রিত হ'য়ে ফলে
মাটির দেহের সৌরভ ছাড়িয়ে কি যে স্বাদ ব্যাকুল বাতাসে
যেন দুধের শিশুর মুখ ।
যে দুধের জন্য মাঠের দিগন্ত ছাড়িয়ে রামধনু ধ'রে আনে
সাহারা গোবির দেহে,
যে দেহের কলিজায় জ্বলে অমরতা ভালোবাসা মাটি
আসমান ছেড়ে ।
আমার মাটিতে হাত দেবে কে ? যে মাটিতে মায়ের স্বপ্ন
ধানের গোছের মূখে :
নিঃস্পলক চোখের তারার মতো শিশে শিশে উন্মুখ
হৃদয়-হলুদ মেখে ।
রূপালী চাঁদের হাসি আকাশ ছাড়িয়ে দোল খায়—
মাটির কিনারায়
যেথা ধানের হৃদয় নতুন বীজের ভারে
আনত—শরীর জ্যোৎস্না ।
যে আকাশে কু-চক্রীর চক্র রাতের গভীরে কিংবা দিবালোকে
মেঘের মতো ছেয়ে রাখে
আলোর তল্লাট, নতুন বীজের নবান্বন
মেলেছে হেথায় প্রসারিত বাহন ।
সে মাটিতে হাত দেবে কে ? যে মাটির ছোঁয়ায়
প্রপিতামহের রক্তের কল্লোল
এই জনপথে গর্জে ওঠে
স্বাধীন শিশুর মতো ।

এই হাসপাতালে

(প্রয়াত সত্য মণ্ডলের রোগশয্যায়)

এই একটু আগেই

স্নায়ুতন্ত্রে ঘণ্টা বেজে গেলো

মুহূর্তকে ধরে রাখা

মহাকালের বন্ধুর কাছ থেকে

আপ্রাণ প্রয়াস

কিছু নিমেষকে ছুরি ক'রে

চোখে চোখ রাখা, কথা অনর্গল—

যদিও ঘণ্টা বেজে চলে ক্রিং ক্রিং

হাসপাতাল চত্বরে ।

জানি তো সবাই চ'লে যাবো—

এই পথ, এই সবুজ লন—

আলো ঝলমল শহর ও বন্দর ছেড়ে

অন্য পারে,—তবু তুমি হাসো, কত কথা বলো

চমৎকার, যেন মৌসুমী বিকেল

এই হাসপাতালে ।

যদি আর দেখা নাই-ই হয়—

আগামী বিকেলে—এই ভেবে,

ভেবে ঘণ্টা বেজে চলে স্নায়ুতন্ত্রে : বিচ্ছেদের ।

সমবায়

(শ্রীযুত গোবিন্দ ভট্টাচার্য অগ্রজপ্রতিমেষু)

সবার বলার আছে আমার নেই
সবার অভাব আছে আমার নেই
লোকে তাই তো বলে—
সবাই দঃখে কাঁদে, আমার কি—
কান্না নেই, লাজ লাগে, মরণ আর
কাকে বলে, বন্ধুকে বড়ো দাগা
বন্ধুবে কে সে ।

সবার অসুখ আছে আমার সুখ
সবার হিংসে তাতে আমার কি ।
হাসিতে ভরে রাখি আমার মন্থ
এই তো জীবন বন্ধু !

সবার সুখে সুখী আমি—আমি সমবায়
নিজের কথা কাকে বলি—পর যে আপন হয় ।

স্মৃতি : দাবদাহ
(শ্রীযুত শঙ্কর মিত্র অগ্রজপ্রতিমেষু)

কেমনে লুকাবো মদ্য, কোথায় লুকাবে
কোনদিকে দেবে পাড়ি—
চারিদিকে দাবানলে
জ্বলছে যে প্রাণে প্রাণ : হৃদয় লোপাট ।

যদি কিছদ্ তাপ থাকে বৃকের আগুনে
মমতার—,হুতো বা
বাঁচার : জ্বলে দাউ দাউ
ভদ্রতার অন্তর্বাসে দাবান্নির শিখা ।

সে তাপ কখনো যদি চেরাপুঞ্জি মেঘে
বাষ্পে বাষ্পে ধরা যায়—
বৃষ্টিস্নাত প্রিয় রোদে
দাবদাহ স্মৃতি কত হৃদয় রাঙায় ।

সুকান্তের পঞ্চাশতম জন্মবার্ষিকী উপলক্ষে/১৯৭৬

পঞ্চাশ বছর ধ'রে রয়েছো দাঁড়িয়ে
নিজের মাটিতে, যেন এক শালপ্রাংশু
শাখা প্রশাখা ছাড়িয়ে কাল জন্ম ক'রে
দখল করেছে মাটি কঠিন প্রয়াসে ।

পঞ্চাশ বছর আগে কণ্ঠে নিয়ে গান
পাখির মতো 'তা' দিয়ে ফোটাতে গোলাপ
পূবের আকাশে গিয়েছিলে—'কমরেড
আমার ভারতবর্ষ' গোলাপ হবে কবে ।'

তুমি বদ্বী নদী, কোনো সময় ডিঙিয়ে
দু'কূল ছাপিয়ে জল-তরঙ্গের ঢেউ
তোলো সমগ্র স্বদেশ, বদ্বীর পাথরে
চাপা রক্ত-করবীরা রাঙা হয়ে ওঠে ।

চোখের অরণ্যে রৌদ্র

মৃন্মুখ চোখ এমন স্তব্ধে প্রসারিত হবে কোনদিন... ।
একতাল মেঘ সেদিন আমার পকেটে কিভাবে জন্মেছিল
যা অভাবনীয়,
মৃণাল মৃণাল বৃষ্টি সূর্যের বজ্রম হুঁড়ে আমাদের চোখে বিধেছিল
যা অচিন্তনীয়,
সে এক অজেন্ন মূর্তি
শবাসনে শিব, অম্পর্গা বক্ষপটে মৎস্যাসনা—
এমন চিত্রিত ছবি মেঘে মেঘে বৃষ্টি নিয়ে
চোখের অরণ্যে রৌদ্র ।

ঠিক এইভাবে মৃন্মুখ চোখ পেতে হলে
চলো যাই মেঘালয়ে—
তাল তাল মেঘ ধরে দূরহাতে পকেটে পুরি
বৃষ্টি আলো নিয়ে
কিছুদ্ধ খেলা-খেলা পরম প্রান্তর—
তাপদগ্ধ খরা-ক্লান্ত মইমায়া এ-জীবনে ।

অনন্ত হৃদয়

(ডাঃ নন্দীৱ কথা মনে রেখে)

সবুজ ঘাসের বন্ধে বন্ধ রেখে আমি
খুঁজেছি তোমার মন—অনন্ত হৃদয় ।
সুখ নয়, শান্তি নয়—নয় তৃষা স্বৰ্ণ
শুধু উজাড়-হৃদয় । ধর্ম তব কর্ম
জীবনের বলিষ্ঠ প্রত্যয় । এ মাটির
বন্ধে রচেছিলে তুমি স্বকীয় সস্তায়
আশ্চর্য ফসল ; যুগদাহে দগ্ধ নয়
সূর্যতাপে প্রাণবন্ত সবুজ-হৃদয় ।

রক্তাক্ত হৃদয় চিরে এ গ্রামের বন্ধে
সূর্যমুখী জেগে আছে তোমার বাগানে
জ্ঞানবৃক্ষে ফুল ফোটে—ফুলের সৌরভে
স্বপ্ন বিকাশ দূরন্ত তরুণ প্রাণে ।

পৃথিবী কঠোর বড়ো—কৃত্রিমতাময়
সূর্যের ফসল তুমি—অনন্ত হৃদয় ।

বোধিবৃক্ষ

যে মাটি অহল্যা ছিল কতোকাল, দ্যাখো
আজ সে দরবার প্রাণবন্ত, বুদ্ধি স্পর্শ
কর ; নয়নাভিরাম কোন বোধিবৃক্ষ—
সবদুঃখে স্বপনে জনকের মাটি উৎকর্ষ ।

এ মাটিতে যে পাদপ প্রকাশে উন্মুখ
আত্মদানে অঙ্গীকার স্থিতধী তন্ময়
সমস্ত তল্লাট জুড়ে তপোক্রিষ্ট মূখ
মৃত্যুকে দূপায়ে দ'লে গড়েছে নিলয় ।

এখানে হয়তো ফুল ফুটবে চমৎকার
তখন থাকবো নাকি আমি বুনো ঘাস
তাতে কিবা আসে যায় বরং কি বাহার
ফুলে ফলে বোধিবৃক্ষ স্থিত বারো মাস

আমার সমস্ত সত্তা তোমাতে অশ্বিন্ট
প্রকাশে ব্যাকুলতর, বোধে শান্ত শিষ্ট ।

কবি দূর্গাদাস সরকারের অকাল প্রয়াণে

তোমাদের মতো কিছু মানুষ আছে বলেই
প্রত্যহ সকালে গোলাপের মতো সুর্ষ ফোটে
নৈসর্গিক মহীরুহে,
তোমরা আছে বলেই
আকাশ ভরা তারার নীচে বাসযোগ্য স্থান গড়ে ওঠে
কস্মোডিয়া থেকে ভিয়েতনাম
মানুষ আছে বলেই
ইতিহাসের নেপথ্যে ভাবীকাল কথা বলে ।

দীর্ঘ সাবলীল মানুষটি হেঁটে চলে গেল
লোভহীন, লজ্জাহীন পদক্ষেপে
পিছনে পড়ে থাকে পায়ের শব্দ
খানাখন্দ রাজপথে
খাঁটি কাকে বলে ।

তুমি চলে গেছ খাঁটি খুঁজে খুঁজে, বৃক্ষে বৃক্ষে
যে ফুল ফুটেছে, কিংবা
এই মেঠো পথে আমার বৃড়িমা
গদমরে গদমরে মরে ।
আসলে তুমি যে ছিলে
আসল ময়ূর দাঁড়কাকের ভিড়ে ।

মাটির রঙ

মেটে রঙ দিয়ে কে লেপেছে আকাশ, দূর থেকে মনে হয়

ধূ ধূ তেপান্তর—

নারিক এক কানানদী, বর্ষার স্লামনে মাতোয়ারা

বেনোজল ঠে-ঠে ।

সবুজ পাড়ের শাড়ী ভেজা গোড়ালি ছাড়িয়ে

সীমান্তে মিলেছে, তারই মাঝে

লাল এয়োতির চিহ্ন আকাশ সমুদ্র পাড়ি যে মিলেছে দূর

ঠিক যেমন জীবন, তবু তো সবই সত্য মাটি, জল, নদী, বাণী

গ্রহ তারা সবুজ বনানী ।

যদিও পৃথিবীর পরিচিত সত্যগুলি মার খায়

মার খাচ্ছে মানুষের বিবেক

কারণ ভিটেতে প্রলোভন বৃক্ষের শিকড় গেড়েছে

আস্তানা গুলিয়ে উঠে

পরভোজী হন্যে গ্রাস করে রস—জীবনের যাবতীয়

বোধ, ভালোবাসা, স্মৃতি

তাই পারি না কিছুতেই প্রিয় বস্তু ভেবে চুমু খেতে

নেকড়ের মতো ।

অন্য কথা এবং বলা

(আমার পরম আদরের বিপাশা, বিদিশা, মানতু ও ক্ষমাকে)

জানিয়ে নালিশ হারিয়ে গেছে

শিশুর মনে গান

ঋণের দায়ে বিকিয়ে গেছে

মরাই ভরা ধান ।

দিন দুপরে কালোহাতে

কতো ছলাকলা

মিষ্টিমুখে দে'তো হাসি

যায় না কথা বলা ।

বুলবুলিতে খায় না সে-ধান

খায় না হ'দরে

আটকে গেছে রথের চাকা

কালোবাজারে ।

অনামনে অন্য কথা

বলা বড়ো দায়

নিজের ঘরেই তবিল ফাঁকা

কি আছে উপায়

কেউ দেখে না মিলিয়ে হিসেব

নিজেই নিরুপায়

সাগর জলে ঢেউ উঠেছে

রুখবে কেরে আয় ।

একটি শিশুর কাছে

(আমার মছয়ার জন্ত)

কার সে গানের কলি বদকে চেপে বসে

দুধের শিশুর মতো,

ছাড়ে না কিছুরে

সুন্দের আবেশ—

চৈত্রে ক-ফোঁটা বৃষ্টি বৃষ্টি

দম্ব দেহলীর প্রান্তে ফুল হয়ে ফোটে ।

রজনীগন্ধার মতো উভাসিত প্রতীকার কুঁড়িগুলি

উস্তাল বদকের তটে

মেঘ রৌদ্র নিয়ে কতো ঢেউ তোলে,

মনে হয়

নারী নদী নয়

সুন্দেরা সুন্দর নয়

অর্থ সব নয়

একটি গানের কাছে

একটি শিশুর কাছে

একটি ফুলের কাছে ।

শরৎচন্দ্র

ব্যথিত যে বেদনায় তুমি সে-হৃদয়
মানুষের, কী নিটোল যন্ত্রণা-ফলন
ফুলে ফলে পূর্ণ প্রকৃতির উন্মোচন
ক'জনেই বোঝে যে সে-মর্ম বিনিময় ।

কে সে পাপী, কারে বলে পাপ, কিসে রয়
মূল্যবোধ, কত কী যে কালান্তদহন
ধর্মধর্মে, নাম তার সমাজ শাসন
এই সব বোধ, মনে হয় বোধ নয় ।

এ হেন দেশে তুমিই সেই সবাসাচী—
জীবনের অভিজ্ঞতা বৃকের কলমে
যার কূল হোয়ে ফোটে, হৃদয় রজন
সাহিত্য প্রাঙ্গণে । সে-মাটির কাছাকাছি
তুমি একা বনস্পতি—স্থাবর-জঙ্গমে,
প্রোথিত সে-মূলে ভালোবাসা অগ্নিক্ষণ ।

জীবন কাকে বলে

জীবন যে কাকে বলে, শব্দ শব্দ বেঁচে থাকা
নাকি বাঁচা, গোয়ালে গোয়ালে পাল পাল
পদুরে রাখে কালের রাখাল—কে সে, কার জন্যে
প্রভুর ঘোঁষন ধরে রাখা ভক্তি-নামে

কিংবা নাকি পদরুরবা জর্জর নায়ক
পিতাকে অপ'ণ কোরে পৌরুষ মহিমা
জ্বলে আত্মদাহে ; কিংবা দেবব্রত প্রাণ
শরে শরে বিব্ধ যার আপাদমস্তক

কার আশীর্বাদ । জীবন যে কাকে বলে—
জন্ম দেওয়া-নেওয়া কিংবা টিঁকে থাকা
কার অভিশাপে এবং শিখণ্ডীর মতো,
পিপ্তি পড়ে আজন্মই—এইতো স্বদেশ !

হোক না ভীষ্মের জন্ম এই দেশে, মদুখ
না লুকিয়ে নপদংসকের কাছে, হারাবে না
নিজেকে যে উর্বশীর রূপের লাভায়,
সুড়ঙ্গের মতো অন্ধকারে থাকা নয়

পার্থ যদি কাছে আসে চাঙ্গা হোয়ে ওঠা
পাশবিক মদুখগুলি ভয় পেয়ে যায় ।

কবি ভারতচন্দ্র

মাটিতে মিলিয়ে হাত যে ফসল ফলে
দেহকে পাতন করে নিশ্চুতি রাত্রিরা দিন হয়ে যায়
তাল-লয়-সুদর মেলাতে জানলে পাখির মতন মন উড়ে যায়
কয়জন সেই পাখি ।

‘রোনের’ হৃদয় চিরে কাঁটাগুম্মে ফুটোঁছিলে গণ্ডগ্রামে
শতাব্দীর বন্ধু ঝড় তুলে
জলাঙ্গীর স্রোতে ভেসে সুড়ঙ্গ কেটেছো রাজার হৃদয়ে
বাঙালীর আদালত লজ্জা পায় কার বেত্রাঘাতে ।

সন্তানের দঃখ কী যে সবকালের ঈশ্বরী পাটনী বোঝে
অথচ সুন্দর এলে মালিনীর ভাঙা মালণ্ডে ফুল ফোটে
বাহিরে দাঁড়িয়ে দঃখ ভেতরে বিবেক যদি জ্বলে,
মহারাজ কঞ্চচন্দ্র বুদ্ধোঁছিলো—ঃ তুমি তো সুন্দর সৃষ্টির মালণ্ডে ।

এমন কজনা আছে হৃদয়কে ছেড়ে জাহ্নবীর কাছে—
হেরাসিম লেবেডফ, রেভারেন্ড লং, পাদরী ওয়েজার
জলের সম্মান পেয়ে অঞ্জলি ভরেছে স্বাদিষ্ঠ সস্তায়
তুমি নাকি সেই কবি—বাঙলার কালিদাস, পোপ ও বার্নস ।

মে-দিনের কবিতা/১৯৭৭

মে-দিনে

একটি দামাল শিশু আইসক্রীমে মত্ত
একটি পাগল কিশোর পলাশ রঙে স্তম্ভ
বাতাস পেলে আগুন যেমন
বাধা পেলে বন্যা মাতন
পৌনে ছ' লক্ষ গ্রাম গজের ওঠে আজ
মে-দিনে বৃষ্টি স্বদেশ আমার লাভণ্য লাল ।

স্তরে স্তরে গাছে গাছে কি বিচিত্র কৃষ্ণচূড়া
রৌদ্রে জ্বলে আকাশ তলে লাল-পতাকা
আলোর প্রবেশ নেইকো মানা
খুঁতনি নাড়ে আমার কন্যা
কলার পাতে বনভোজন কী যে ভালো লাগে
মে-দিনে বৃষ্টি আমার স্বদেশ মৃৎখর ঐকতানে ।

বাইরে হাজার ভালোবাসা, দুর্নিবার—
গরম লেগে শেকল বেড়ি এমনি খুলে যায়
পড়ছে খসে নরক সমান জেলগদূলি
এমনি দিন আসবে বলে দরোজা খুলে রাখি
দেখবো কত প্রিয় মৃৎখ লাখো লাখ
মে-দিনে যেন স্বদেশ আমার ভালোবাসার কৃষ্ণচূড়া ।

সাতাত্তরের মৌসুমী হাওয়া

কতোকাল—

নিষেধ সত্ত্বেও চোখের দৃ'পাতা হাট কোরে রাখা ;

কখন আসবে তুমি—

মেঘের পাহাড় পার হোয়ে

আছেড়ে পড়বে আমাদের ঘর-দোরে, বারান্দা ও বিছানায়

মুখের আদল পড়ে নাকো মনে

অথচ পেয়েছি টের প্রত্যহ অলক্ষ্যে

নিঃশব্দ নিঃশেষে : কার স্পষ্ট পদধ্বনি

কখন যে এসে গেলো শীতের কুয়াশা ফু'ড়ে

সাতাত্তরের মৌসুমী হাওয়া

সূর্যের পাজার মতো প্রসারিত দৃ' হাতে

ছিনিয়ে নিয়ে এলো কাম্য সময়

মোরগের তীক্ষ্ণ কণ্ঠে জেগে ওঠে ঝর্ণা, পাখি, নদী

সমুদ্র পর্বত : ইতিহাসের পাতায় একটি সকাল

অথচ জানতো না কেউ কাল পর্যন্ত—

এমন ঘটনা ঘটে

কৈশোরের চোখ দুটো যদি ফিরে পাই ।

নজরুলকে নিবেদিত

(নজরুল-এর জন্মদিনে)

১

তাকাতে পারি না আমি তোমার দরুচোখে : বধ্যভূমি—

ফলে না ফসল কতোদিন

তুমি কী নক্ষত্র হ'য়ে গেছো কিংবা মৃত

আকাশ সমুদ্র বরং শব্দকতারা শব্দ জ্বলো নিঃসীম নিঃশেষ

গ্রহলোকে : জীবনকে কদিনই ধরে রাখা যায়

সূর্যের কাঁটায় ; ছেঁড়া কথামালা কেবলই

হ্র হ্র করে হৃদয়ের নীচে—আলোর রশ্মিতে

দৃশ্যহীন জীবানুরা কিল্‌বিল্‌ করে

আমি তাকাতে পারি না,

বৃষ্টি দরুচোখের পাতায় ।

অথচ কে কবে

হৃদয়কে ছেড়ে স্বেচ্ছাকৃত নির্বাসন চায় ।

সৃষ্টির আদিম যুগে উত্তাল সমুদ্র বক্ষে শয়ান যিনি, কী

অনুপম তাঁর হৃদয় নৌকাটি,

এবং অগ্নিবীণা ঠে ঠে ক'রে যন্ত্রণায়, সৃষ্টিতে আগুন

অবিনাশী নিস্তব্ধ নিষ্কুম্ভ ।

২

(নজরুল-এর মৃত্যুদিনে)

এমনিতিরো গুরুমোট দিনে অশ্রুধরে অঝোর

শ্যামল মেঘে শ্রাবণ ধারা স্মৃতিতে দেয় নিশান

কবে কার সে রক্তবীজের মূলে মেরে এক টান

দামাল ছেলে ঘুমায়, অবাধ মালিকানা ভেঙে ।

কে হে তুমি, ধরে রাখো দেশের সীমান্ন থাকে

মৃত্যু তাঁরে আলো দিলো, দখল দিলো দেদার

মাটি জুড়ে স্থায়ী পাট্টা ভাগ্যে আছে কার

মাটির তলায় বন্দী করা যায় না কভু তাঁকে ।

এই সব ছবি

এই সব ছবি, ছবি নয়

ছুঁয়েছে আকাশ পৃথিবীর পাড়

ছড়িয়ে রৌদ্রের শিখা : এইমাত্র খুন চেপে ছিলো—

কেননা, রূপোলী মেঘের পদা ঠেলে উঁকি-ঝুঁকি মারে

চিরকালের অবাধ্য যুবক, গজমতি হার

দলিলে বেণীর মধ্যে রূপশালী রমণীরা

মাথা নাড়ে...

কাছেই হৃদয়ে হলুদ মেখে শরবিম্ব বাবলারা হাই তোলে

মেঠো পথ চলে গেছে ভিন্‌গাঁয়ে পড়শীর কাছে

বিড়ি মুখে কিশোর রাখাল হিন্দি গান ধরে

মাটির পাঁজরা ফুঁড়ে

হাল চালায় কৃষক যুবক, নাকি পাইলট—

প্রাণে বসন্ত আসে শিহরণে

মুখপোড়া বেপরোয়া পাখি ঝোপবুঝে কোপ মারে—‘বউ কথা কও’ ।

এ গ্রামের হৃৎপিণ্ড : এক কানা নদী

ঘড়ির কাঁটার মতো টিক্ টিক্ টিক্ চলে, নিরন্তর

পদধ্বনি রেখে যায়, আমার দেখুতা এই তো সেদিন

গোড়ালি ঠুকে ঠুকে স্কুল পালানো কুমারী এক মেয়ে,

হেরে হেরে হেরে লড়াকু ছেলোটা মাথা গুঁজে চলে গেল

দূর থেকে ভেসে আসে “চোখ গেল, চোখ গেল” ।

খেলা : খেলতে যে পারে

ধরতে যেওনা হে সে খেলছে আপন খুশীতে
তাড়া খেলে ভয় পাবে কিংবা পড়বে নয়তো ছুটবে বেহুঁশ পাগল
খেলেতে দাও তাকে কানামাছি খেলা কিস্তি অন্ধ নয়

শব্দ ও ছন্দের হাত খেলাতে জানলে যেমন কবিতা,
শ্রমে ও স্তোত্রে বদলে যায় মানুষের কণ্ঠস্বর
আর ভালোবাসায় চাবুকের মতো কাজ হয়।

সে খেলছে	আপন খুশীতে
সে হাসছে	শিশুর আনন্দে
সে ঘুরছে	নিজের গতিতে
সে কাঁদছে	ব্যর্থতায়, পরাজয়ে।

তবু খেলছে	লুকোচুরি	আলো ও আঁধারে
যেমন মেঘের	আড়ালে রৌদ্র	অথচ ভেতরে
বিদ্যুৎ ও বজ্র	মনের মধ্যে	আগুন নিয়ে
খেলা যেন	আজীবন	এবং আমৃত্যু।

এই খেলা	খেলতে যে পারে	সেই বৃষ্টি কবি
কিংবা বিপ্লবী,	হীরের মতন	ধারে কাটে
অন্ধকার,	পর্বত প্রমাণ	মাম্বাতার বধি।
ধরতে যেও না	সে খেলছে	আপন খুশীতে।

ওরা কি বুঝবে

ওরা কি ক'রে বুঝবে
মাছের মতন জলে বাস
পিপাসা, পিচ্ছিল
যেহেতু আমরা জন্মসূত্রে

আমাদের তৃষ্ণা
করেও, মেটেনি
পশ্মপাতা
জলে ভাসি

ওরা কি দেখবে আমার চোখে
চাঁদের আলোয় যারা
চোখ থেকেও দিনকানা
ফুটপাতে জন্মে শিশু

আলো
ভূত দ্যাখে
কাম্বায় উপচে পড়া জননীযন্ত্রণা

ওরা কি বুঝবে
মৃত্যু নিয়ে ছিনিমিনি খেলা
জীবনটা নাকি মৃত্যু
ভুল হয়, ভয়ঙ্কর

আমাদের বেঁচে থাকা
আজীবন
মৃত্যুই জীবন
ওলোট পালট ।

ওরা কি জানবে

আমাদের তৃষ্ণা,
আলো,

বেঁচে থাকা

জননী ও জন্মভূমি
বৃক্কের ভেতরে স্বপ্নপিণ্ড
দুয়ার আগলে কে, সে

কি জিনিষ ।
যেন কুরদুক্ষেত্র
শিশু, নীলকণ্ঠ ।

অনাথীর আত্মীয়তা

(শ্রদ্ধেয় বিপ্লবী হিরণ্ময় গঙ্গোপাধ্যায়ের স্মৃতির উদ্দেশ্যে)

বলতে পারিনি তৎক্ষণাৎ—

“কেন এসেছো হে, আমাকে কি দরকার” ?

উস্‌কো খুস্‌কো চুল, যেন ঝড়ো কাক

কি খবর আনে সাজ-সকাল

“দূর হ দূর হ ধেমেলির ছাই মর গা”

বলেও এমন কথা বলতে পারি না ।

বললেন তিনি হেসে, ঘাড়টি নাড়িয়ে টুলে বসে

“শক্তি, চা খাওয়াও হে”

কাজ শেষ, কেতলা ফতে

জীবনের সারাংশ সার : ‘শুধু একটু চা’ ।

বলিনি কিছই চেয়েছি মদুখের দিকে—

কাছে পেয়েও বাড়াইনি হাত ।

কোলকাতা শহরের রাজপথে কুরদুক্ষেত্র

ঘটে, ভাবিনি কখনো—অথচ ঘটনা,

এই তো সেদিন ঘটে গেছে খুন্সুখ

সন্তরখীর চক্রবাহে নিহত বিস্ময়—

অভিমন্যু বধ, রক্তের দর্পণে মদুখ

রেখে, বলেছিলো—“স্বদেশ আমার” ।

বলতে পারিনি তৎক্ষণাৎ

“কেন এসেছো হে, আছে কি এমন কথা ?”

বাজে আজো ঝনাৎ ঝনাৎ—

সেই অনাথীর আত্মীয়তা ।

জলছবি : শিশু

বৃষ্টিতে সূর্যের মদুখ	দেখতে পাই না
বটের মাথার শিরা	টন্টন্ করে
ভুবন মাতায় শিশু	স্যাঁতসেতে ঘরে
ন্যাড়া ছাদে বৃষ্টি ঢলে	নেই কারো মানা
বৃষ্টি	

শব্দ

শিশু

স্মৃতি

সমস্ত চেতনা

নিঃশব্দ নিথর বদকে	হাহাকার করে
শব্দব্যস্ত মেঘদূত	মাথা খুঁড়ে মরে
যক্ষের বিরহ দীপ	নেভাতে পারি না ।

অথচ তোমাকে ফেরাতে পারি না,	বৃষ্টি
করতলে ধরে রাখি দহাত বাড়িয়ে	
শিশুদের মতো, গলে পড়ে তা-তা	সুখ
নাগকেশরের বনে চন্দ্রহার,	সৃষ্টি
সমুদ্রের চেয়েও উত্তাল,	উপচিয়ে
জলছবি, শিশু :	বৃষ্টিতে সূর্যের মদুখ ।

আচার্য সুনীতিকুমার

শিমুলে শালদকে যে বিচিত্ররূপ দেশে
আসলে বাহার সব বাহাদুরী তার
সঙ্গে ফোটে । পণ্ডিতের কচুকাঁচ সার
বুঝা তর্ক ষাঁকে মানায় না, রসে-বশে
প্রকৃতির অগ্রদূত ঋতু সমাবেশে,
বেল যদুই চামেলীর আত্মত্যাগ,—মণিহার
রত্ন, পরম আচার্য সুনীতিকুমার
দেখলে মন কি খুশী দেশ বা বিদেশে ।

প্রকৃতির আকাঙ্ক্ষিত বীজ যে-মাটিতে
নিগূঢ় উর্বর, অঙ্কুরে বিস্ময় যিনি
কবীন্দ্র রবীন্দ্র ধন্য ; কণ্ঠে নিরবধি
লোকায়ত শব্দ ষাঁর, নিষ্ঠা আচম্বিতে
গজায়নি, বরং আজন্ম ভাষার সন্ধানী,
সুখে-দুঃখে বেদনায় পৌরুষে স্থিতধী ।

এখানে একক আমি

লোভের মোহানা থেকে

নিজেকে বিচ্ছিন্ন করা শ্রোতের জলের বেগে আপন আপন
শিম্পীর তুলির টানে চিহ্ন তার স্পষ্ট —

চোখের কাজল চোখ ছাড়া যেমন

দেখা যায় না আলাদা—

এখানে একক আমি ।

স্বর্ণমারীচের পিছে পিছে ধাওয়া মানুষের

সে তো ঘটে আজো

মুহুর্তের ভুল বলে বেলুনের মতো ফুট দিয়ে ওড়ানো

ঠোঁটের ব্যাপার, তাই

অধুনা রাবণ সোনার বলয় নিয়ে লোফালুফি

করে মনের নন্দিতা,

মোহিনীডলারে হরিলুঠ শহর ছাড়িয়ে গ্রামে

সেখানে একক আমি ।

তোমার কালো হাতের বাহুল্য

ক্ষমাহীন, নিন্দনীয়—, গদ্যটিয়ে নেওয়া শামুকের মতো

আছে সে এক রাজস্ব

সেখানে আমার ব্যাপ্তি, ভুবনবিজয়ী আলো ।

কিছু মুখ আছে

কিছু মূখ আছে

মনে পড়লেই ভেসে ওঠে

জলের দর্পণে একুশ বসন্ত যেন,

বিস্তৃত দৃচোখে সময় প্রতিমা

ছাড়পত্র চোখের পাতায়

কতোদিন ঘুম নেই চোখে

রাগার আসবে নিয়ে কাম্য সময়

কিংবা কোনো পূর্বাভাস নিদারুণ দিনে ।

কিছু মূখ আছে

দেখলেই ঝড় বয়ে যায় দেহের শিরায়

আমাদের চারিপাশে রক্তশূন্য বৃক্ষের শরীর থেকে

ঝরে পড়ে ঝরোকা পাতার হলুদ ঝালর

শতাব্দীর শবদেহ থেকে

রাত্রি, অন্ধকার—

কাল-রাত্রি শেষে

মমতার মূখ : চিঠির ঠিকানা ।

কিছু মূখ আছে

দেখলেই রক্তের স্পন্দন, শির শির ক'রে ওঠা

বৃক্ষের দ্যোতনা

অথবা সে মূখ

একটি নদীর মতো মিশে যেতে চায় তিরতির

কোনো এক মোহানায়

আবেগে, উত্তাপে একাকার

নিশ্চিন্ত পাথারে চোখের দুটি মণি স্থির ।

কিছু মূখ আছে

স্নেহ মূখে খোদিত তিতিক্ষার গ্র্যানাইট

অথচ তারই বৃকে হাসছে পাদপ
ছড়িয়ে হাসনুহানা
এবং দৃমুঠো রোদ,
নিজেকে ডুবিয়ে অকাল বসন্ত আসে
পাখিরা চণ্ডল, প্রতীক্ষায়
উন্মত্ত অংকুর ।

কিছু মৃথ আছে
চিকচিকে জলে খেলা করা নিজেকে হারিয়ে
কাণ্ডন জ্যোৎস্নায়
তোলপাড় করে এ-পৃথিবী জলের গভীরে
নিঃশেষে বিলিয়ে আন্দোলনে
শূন্য জলে তুষের আগুন
একটি বৃক্ষের মতো স্বকীয় সত্তায়
জলের দর্পণে যতবার মৃথ দেখি...

হাতে হাত দাও

হাতে হাত দাও, সব ভয় কেটে যাবে

ধন্যকতে ধন্যকতে মৃত্যুপথযাত্রী অক্সিজেনের সিলিন্ডার

ছদ্‌ড়ে ফেলে

হাত বাড়িয়ে দেয়

কেউ যদি ধরে হাত

ঝাপসা দৃঢ়চোখের

মেঘ কেটে যায়

ঠোটে মৃদু হাসি

ঝিলিক বৃষ্টিঝরা,

কিছুক্ষণ যুঝে ওঠে ।

হাতে হাত দাও, সব ভয় কেটে যাবে

লড়তে লড়তে মরিয়া ছেলেটা মরতে পারে না

মৃত্যুকে মৃঠোয় রেখে হাত এগিয়ে দেয়,

কেউ যদি ধরে হাত.....

করতালি দেয় ঝড়ে

পাথরে নড়াড়িতে, শব্দকনো পাতায়, ফুলে আনত ভূমিতে শব্দে

উদ্যম ছেলেটা,.....

লড়াকু ছেলেটা লড়ে যায় ।

হাতে হাত দাও, সব ভয় কেটে যাবে

ধন্যকতে ধন্যকতে, লড়তে লড়তে—বরাভয়

মধ্যে মধ্যে প্রয়োজন ট্রয় বা কুরদক্ষেত্রের যুদ্ধ

নাহলে নিজেকে যায় না কখনো চেনা

যেমন একদা পার্থ,

চিনেছিলো নিজেকে দর্শনে, বিশ্ব—

হাতে হাত সারথীর ।

পাথর প্রতিমা

আজন্ম নত আমি, আমি আমাকে ভুলে ঝুমকোলতারই মতো
দিয়েছি বিলিয়ে বিলকুল ইহকাল পরকাল, যদি পাই পরশ পাথর
বজ্রাহত পোড়া মাঠ বৃষ্টি রক্তিম লঙ্কায় কে রাঙিয়ে দিয়েছে
চৌঁচির গাল, পাথর প্রতিমা, অলঙ্কো মজা নদী একা একা বহে যায়—

অশোক অলকানন্দা নেমেছে এখানে মহাকাশ ফুঁড়ে নীচে
পৃথিবীর বৃকের ওপর, আমি তো আমারই নয়, আমার মাথায় রাখো হাত
আমি তো স্বপ্নে, বিস্ময়ে বিচ্ছিন্ন কখনো নই যেমন ঢেউ ছাড়া জল
কিংবা হাওয়া ছাড়া গাছ, গলা ছাড়া রেওয়াজ অথবা ঝর্ণা ছাড়া পর্বত—
প্রতিবেশী বৃন্দ ছাড়া স্বকীয় সস্তার নেই উপমা, উৎপ্রেক্ষা, অলংকার,
আজন্ম পুণ্য আমি কোনও বেড়ার ধারে ঝুমকোলতারই মতো

আমি আমারই নয়, ঘোরে আমাদের মন
যেমন পৃথিবী, চাঁদ
হাতের কাছেই ঘোরে,
না-আঁকড়া ছেলেটি যেমন ঘোরে মায়ের আঁছল ধরে ।

আলোকাভিসারী

বৃক্ষের পাতার 'পরে চোখ রেখে অনেক সময় ভুলে যাই

আমি স্বর্গের নফর

চারিদিকে পিছুটান—সংসার, সমাজ, রাজনীতি, ইতিহাস—

আকাশের নীল আলো চোখের পাতার ফেলে

আমি আলোকাভিসারী

নদীর তাতালো বালি খুঁড়ে খুঁড়ে ভুলে যাই

আমি নগণ্য মজদুর

পিছুটান গতে'র গভীরে,

একটা দামাল শিশু শুধুই হাসছে

সব কিছুর জন্ম ক'রে অমৃতের স্বাদ আকণ্ঠ অবধি

আমি অমৃত পিয়াসী

কোথা কিছুর আছে, কিছুর থাকে,

এই সাত পাঁচ ভেবে ভেবে

আমি উপাসক মানুষের

দিনকে রাত, রাতকে দিন করি নিঃশেষে পুড়িয়ে

নিজেকে ধূপের মতো—পাণিপ্ৰার্থী

শুভ আগামীদিনের ।

মলমাস

কি নিবিড় অন্তর্ভবে উথলে উঠছে চরাচর—

কার টানে রাত দিন হয়
কার স্পর্শে বেল যুঁই চামেলী চাঁপার সমাগম
কার অশরীরী ঠোট আমার চিবুকে বসে দোল খায়
জীবনে বোধনে অনির্দেশ্য আত্মীয়তা..... ।

কিন্তু অনিবার্য.....

তবু ঝোঁক চৈতন্যে বিশেষ, কখনো বা
মধুমাস : আত্মীয়তা পাহাড়ে-পর্বতে
সাগরে-নদীতে, কক্ষ ও রাধাচুড়ায়
কিংবা সাত পাকে বাঁধা সমাজ-বিজ্ঞান

তবু তো অনস্বীকার্য.....

আমার মন তো ভালো নেই

দিগন্তে দিগন্তে নতুন শিশু জন্ম নেবে
সূর্যের ঔরসে, এমন মানবী নেই.....
এমন প্রেয়সী নেই বৃকের উনুনে গনগনে আঁচে
নিজেই উত্লে ওঠা দধের মতন
আবেগে আছড়ে পড়ে অতৃপ্ত মেঝেতে
অথবা দরন্ত ঝড়ে
নিজেকে বিছিয়ে দেয় শেফালির মতো আনন্দ মাটিতে
দঃখের ছোবলগুলি বিষে, বিষক্রয় ।

আসলে চেতনা, মধুমাস কিংবা মলমাস চেনা যায়
হাওয়া যখন বয় ।

বক্সা দুয়ার খুললো না

যে কথা বলার ছিলো—

পৃথিবীকে ভালোবাসা কারো একচেটে অধিকার নয়

কিংবা প্রাপ্তির সম্মোহন শর

ঘুমবিবন্ধ চাঁদ—, স্বপ্নের প্রতিমা

নেপথ্যচারিতা নিঃসঙ্গ নদীর কোলে শব্দে থাকা একা,

কখন ফুটবে ফুল সন্ধ্যামণি ফুরফুরে হাওয়ায়

দরাজ হৃদয় ঢেলে দীর্ঘ বটগাছ

খাল-পাড় থুঁড়ে তীরদাজ মাছরাঙা

নাচতে নাচতে পালিত ময়ূর পেখম মেলবে কিশোরীর বৃকের আঁচলে

চোখের মণির মতো রাজহাঁস ঢেউ খাবে শূকনো আড়ায় ।

আমার বলার ছিলো

বাজী রেখে বৃক ঠুকে—

পৃথিবীকে ভোগ করা মানে কারো স্বাধীকার কেড়ে নেওয়া নয় ।

অথচ ফুলিয়ে ছাতি ভরাট বৃকের—

অনিবারণ বলেছিল—“মাগো, স্বদেশ আমার, মায়ের চেয়েও সেরা”

মা তো কোনো কথা বলেন নি—

কথাগদূলি ঠিক কি বেটিক পুনর্বিবেচনা চাই ।

কারণ মা মারা গেছেন পঞ্চাশের দর্ভিক্ষে—

পূজায় নরুণ পেড়ে শাড়ী কেনা হয়নি

ভাইটা পাগল হয়ে গেছে : ঘরছাড়া কতোদিন

বোনটা চোখের জলে নোনাস্বাদে ঘর বেঁধেছে একা,

তিরিশ বছর গেল—

বক্সা দুয়ার থেকে অনিবারণ আজো ফিরলো না ।

সাইরেন

মাত্র কিছদক্ষণ আগে আমার হৃৎপিণ্ডটুকু নিয়ে
শয়তান রাবণেরা লোফালদফি ক'রছিল বলের মতন
শূন্যে, গোলোক ধাঁধায়
আমি সত্যি নিরুপায়
কাটা ঘায়ে নুনের ছিটের মতো জ্বলছিল গগণ—
শিরা, উপশিরা, ধমনীরা রক্তস্রোত উপচিয়ে ।

সুক্ষ্ম যন্ত্র ও যন্ত্রীরা বাজাচ্ছিল সাইরেন একটানা
একঘেয়ে, সময় তলিয়ে যায় নিঃসাড়ে
রক্ততালু অগ্নিগর্ভ
নরক, হারিয়ে স্বর্গ
মান-কচু পাতায় মণি দুটি গলে পড়ে চুপিসাড়ে—
কেউ দেখলো না, জানলো না ; কী হারালো তালকানা ।

ঠিক এইভাবে আমার কৈশোরের কাঁচা মাথা
পেয়ারার মতো খেয়েছিলো নিরামিষ ভোজী, রাজনীতিবিদ
ঠকাতে ঠকাতে, ঠকে নিজবাসে
পরবাসী, ঝি ঝি ডাকে গলা সাধে—
ট্যাঁকেছিলো দেশলাই, জেদলে দিতে বাঁশবনে জোনাকির মিথু
হাতের তালুর মধ্যে ছিল যাদু, প্যাঁচের অভিধা ।

ফুল ও রঙকে নিয়ে ছিনিমিনি খেলা প্রাত্যহিক দুর্ঘটনা
কোন মাথা কার ধড়ে, কোথা খেলে হৃদয় দারুণ
কোন ফুল কোথা ধরে, হৃৎপদম ছিন্ন
ক'রে স্বাধীন স্বদেশের মদুখ খুঁজি তম তম—
কাৎরাতে কাৎরাতে দিবারাত্রি বিষর্ষ করুণ,
সুক্ষ্ম যন্ত্র ও যন্ত্রীরা বাজাচ্ছিল সাইরেন একটানা ।

লোকালয়

আদিম তৃষ্ণার রোদ

শুদ্ধ নেয় যাবতীয় মূল্যবান বস্তু

যেমন সবুজ পাহাড়ের অরণ্যের, শ্রাবণ-ভাদ্রের মাঠে

অথচ অস্তরে পাহাড়ের শীতলতা, অরণ্যের হাওয়া

শ্রাবণ-ভাদ্রের মাঠ খুঁজি,

নির্জনতা, কোনো বিশেষ মুহূর্তে আমাদের বন্ধু ।

নাকি নির্জনতা ঈশ্বরের সম্মোহন তীর

না, ফিরিয়ে নিতে পারি মানুষের মূখ

লোকালয় সামনে-পিছনে,

যত দূরেই যাই, তত দূরেই ফিরে আসি

মরে না, সত্যটা সত্য ।

সংগোপনে দেবতার মূখ, নির্জনতা

ভয়ঙ্কর, মানবীয় বস্তুগুণি স্বেচ্ছাচারে আত্মঘাতী,

লোকালয়ে মানুষের মূখ, প্রাণের দোসর !

মূখে মূখ রেখে, চোখে চোখ রেখে, হাত ধরে কথা বলি,

নিঃসঙ্গতা, নির্জনতা, কেটে যায়

পথ চলতে ভীষণ ভালো লাগে

না, ফিরিয়ে দিতে পারি মানুষের মূখ

লোকালয় ।

